

Siente munacié

Tene 'a arteteca 'a matina
Vide llà ca te cumbina

S'annasconne fa' rummore
E nun duorme a tutte ll'ore

Sposta 'e ccose int'a cucina
Quanno arriva e che ammuina

'Na scazzetta rossa 'ncapa
Addò vene e chi 'o ssape

E si 'o munno è cagnato
E tu pure c'haje lassato
Munaciè mò so' turnate
'E fantasme d'o passato

E si mugliereta è 'a cchiù bella
L'aiza 'a piega d' 'a vunnella

Sarrà n'anema, mamma mia,
Sissantadoje arrassusia!

Ma nun t'haje mettere appaura
Spessi vvote è 'e bbone aurje

E si 'o vuò bbene, a verità,
'A furtuna te po' ddà

E si 'o munno è cagnato
E tu pure c'haje lassato
Munacié, mò so' turnate
E fantasme d' 'o passato
Famma , morte e malatia
Fanno sempe 'a stessa via
C'hanno tolto 'a fantasia
Senza darce l'allerìa

'O munaciello, ué
Si guarde bbuono sta dint' 'e te
Staje nervuso, ué?
Isso 'o ssape che d'è!
'O munaciello, ué
'O vonno accidere oi marammé
'O munaciello, ué
Nun vo murì chi sa maje pecché?